

Protocol no. 90
Sezzüda da marcurdi, als 5 favrer 2014 **20.00 - 22.45**

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

Protocol

Il protocol no. 89 da la sezzüda da marcurdi, als 29 schner 2014 vain approvà.

803 021 FABRICA
Arno Felix; parcella no. 314 / 315 a Chasellas, prolungaziun dal
chamin existent da la chasa vaschina

L'intent da fabrica, da prolungar cumünaivelmaing il chamin da la chasa vaschina no. 50 – fam. Hugentobler, ais stat publichà e tuotta documainta ais avantman in möd cumplet. Il scopo da quel intent ais da redüer emissiuns da füm pella chasa nr. 51A – fam. Felix. Sün proposta da la cumischiun conced'il cussagl il permiss da fabrica.

Cundiziun:

- Il chamin ha da gnir construi in möd ch'el passa tras la pensla dal tet e na cha quella gniss interruotta.

804 021 FABRICA
Not e Duri Vital: parcella no. 545 e 622; chasa d'abitar e garascha
suotterrana; dumonda da princip per ün dret per construir plü
dastrusch

Seguond ledscha da fabrica sto la distanza davent da la parcella vers süd importar 5 m. Ils patruns da fabrica dumondan per ün dret da construir sün üna distanza da:

Not Vital da 4 m sbassond giò sün 0,7m
Duri Vital da 4,23 m

Il cussagl decida da conceder da princip quel dret sco survart manzunà, quai our dal motiv, cha per l'üna guarda la garasch be per 1,30m our dal terrain creschü e per l'otra cha pro'l mür da sustegn existent da la via da quartier dà quai be ün müdamaint da l'aspet marginal. Quel dret vala però be, scha'l fabricat vain realisà seguond ils plans inoltrats. Pro ev. müdaziuns da quels resp. pro ün oter permiss da fabrica nu ha il dret concess plü ingüna virtü.

Cundiziun: Tuot ils cuosts e gabellas fundiarias van a charg dals patruns da fabrica.

805 390.315 Clucher / mantegnimaint ura e sunaria
Sanaziun da l'implant mecanic da la sunaria

Davart da la ditta Muff ais gnü inoltrà l'offerta pellas lavuors manzunadas survart chi sun urgiaintas. La somma s'amun'a fr. 15'901.90. Ils sclerimaints culs respunsabels da la pravenda evangelica demuossan, cha da quella vart vain surtut, seguond contrat, la quarta part dals cuosts, dimena fr. 3'975.50.

Il Cussagl conceda vun vusch unanima quel credit in resguardond la partecipaziun da la pravenda.

806 DIVERSAS SCHEFS

Edi Wehrli / reclomaziun molocs pro la Plazzetta

Quel ha inoltrà in scrit pro la cusgliera M. Werro e muossà via sül nosch aspet e sùls disturbis, cha'ls molocs chaschunan. Al manzunà vain infuormà in scrit sur da la situaziun e las masüras chi sun fingià gnüdas trattas per tilla megliorar. Ultra da quai decid'il cussagl da plazzar ün placat cun limitaziun dals uraris chi das-cha gnir deposità material s-chart. El fixa quels da las 20.00h – 08.00h e quai minchadi. Dürant quels uraris dess gnir ütalisada la deponia pro'l lavuratori obain quella a Davo Stron.

807 ORIENTAZIUNS

Proget sanaziun via da Sent – Crusch / etappa Spinatscha – Valfrai

Il capo ha survgni davart da l'uffizi da construcziun bassa ils plans e documainta. El preschaint'il proget previs e dà las infuormaziuns necessarias. Il cumün ais tangà d'alchünas parcelas (no. 785, 800, e 1052), pellas qualas el stu vess dar l'acconsentimaint per tillas ütalisar in möd intermediar d'ürant il temp da construcziun. Il cussagl va d'accord in fatschenda e quels plans pon gnir suottascrits.

Il cussagl discut'eir a regard la regulaziun dal trafic d'ürant il temp da construcziun. Ev. füss eir d'examinar üna soluziun culla varianta in direcziun unica (Einbahn).

Proget ouvr'electrica Brancla / partecipaziun vi dals cuosts da proget

Ils cuosts per tal proget s'amuntan a var fr. 40 miu. Ils cuosts da progettaziun demuossan üna somma da var fr. 1 miu. Id ais dumondativ, scha quel proget vain a render e davart dals respunsabels da l'Axpo vain la probabilità d'üna realisaziun dal proget valütada sco pitschna. Da l'otra vart d'eira gnü suottamiss als cumüns da Sent e Ramosch la dumonda da princip per üna partecipaziun via dals cuosts dal proget dad 1%, dimena da fr. 10'000.00. La prosma sezzüda d'infuormaziun ais previssa sùls 27 favrer 2014 e fin là stu vessan ils duos cumüns avair decis in fatschenda.

Il cussagl ais da l'avis chi nun fa sen resp. nu vezza l'urgenza da decider uossa in fatschenda, cuort avant la decisiun pella fusiun dals cumüns. Quai nun füss neir na dal tuot fair invers ils oters cumüns da fusiun. El decid'uschè da suspender quella decisiun.

808 VARIA

Suot Varia fix'il cussagl alchüns termins e discuta supr'alchünas fatschendas d'importanza plü pitschna.

L'actuar:
Marco Fallet

Il capo:
Albert Mayer